



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-471-15/22**
Datum: **01.06.2023. godine**

«Agencija za vodno područje rijeke Save» Sarajevo rješavajući u ponovljenom postupku po zahtjevu pravnog lica RMU „ĐURĐEVİK“ d.o.o. Đurđevik za donošenje rješenja o vodnoj dozvoli za ispuštanje tehnoloških otpadnih voda iz pogona za eksploataciju mrkog uglja, izgrađenih u naselju Đurđevik, općina Živinice, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE o vodnoj dozvoli

1. Pravnom licu RMU „ĐURĐEVİK“ d.o.o. Đurđevik, daje se vodna dozvola za ispuštanje tehnoloških otpadnih voda iz pogona za eksploataciju mrkog uglja, izgrađenih u naselju Đurđevik, općina Živinice, na zemljištu označenom kao k.č. 1627/22 i 1627/20 (novi premjer) K.O. Živinice Gornje, općina Živinice i ne obuhvata aktivnost zahvatanja voda iz vlastitog vodozahvata.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice RMU „ĐURĐEVİK“ d.o.o. Đurđevik, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu pogona za eksploataciju mrkog uglja u naselju Đurđevik, općina Živinice, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se do 19.12.2023 godine realizuju radovi prema projektnoj dokumentaciji- Glavni projekat sa rješenjima sakupljanja, tretmana i ispuštanja otpadnih voda sa lokaliteta Đurđevik investitora RMU „ĐURĐEVİK“ d.o.o. Đurđevik, broj projekta I-316-11/21 decembar 2021 godine urađen od strane „ATRIUS Projekt“ d.o.o. Živinice).
 - 3.3. U toku izvođenja svih radova na predmetnoj lokaciji osigurati nadzor nad izvođenjem istih.
 - 3.4. Nakon završetka radova po projektu iz tačka 3.2. izraditi Projekat izvedenog stanja sistema prikupljanja, tretmana i ispuštanja otpadnih voda sa lokaliteta kompleksa RMU «Đurđevik» d.o.o. Đurđevik.
 - 3.5. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.6. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti u skladu sa Prilogom 18. tabela 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.8. Ukoliko Vlada Tuzlanskog kantona propiše dodatne (strožije) uvjete od uvjeta definisanih Prilogom 18 tabela 1. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.9. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
 - 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 - 3.13. Da se prije zatvaranja pogona jame-podzemna eksploatacija uglja pokrenu aktivnosti u cilju efikasnog i kontrolisanog upravljanja tehnološkim i oborinskim onečišćenim vodama kao i eliminisanje mogućnosti nastanka specifičnih uticaja na vode na prostoru kompleksa RMU „ĐURĐEVİK“ d.o.o. Đurđevik.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
 5. U periodu važenja ove dozvole, korisnik predmetnog objekta, RMU „ĐURĐEVİK“ d.o.o. Đurđevik, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije sa rokom važenja do 19.12.2023. godine uz uslov da se aktivnosti obuhvaćene tačkom 3. dispozitiva rješenja u cjelosti poštuje.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice RMU „ĐURĐEVİK“ d.o.o. Đurđevik, zahtjevom broj: broj: 03-6955/22 od 06.09.2022. god., zatražio je izdavanje vodne dozvole za ispuštanje tehnoloških otpadnih voda iz pogona za eksploataciju mrkog uglja, izgrađenih u naselju Đurđevik, općina Živinice.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka upisa u sudski registar broj: 032-0-Reg-22-001103 od 15.07.2022. godine, izdato od strane Općinskog suda u Tuzli- ovjerena kopija,
- Uplatnica za upravnu taksu u iznosu od 70.00 KM,
- Dokaz u uplati PVN za ispuštenu vodu za mjesec 11. i 12. 2020 godine te dokaz za iskorištenu vodu za period 1.9.-31.12. 2020 i 1.01-31.12.2021 godine,
- Kopija rješenja o odobrenju za eksploataciju uglja broj: 16-158-1/63 od 18.09.1968 godine izdato od strane Republičkog sekretarijata za industriju i građevinarstvo Sarajevo,
- Rješenje o vodnoj dozvoli broj: UP-I/25-3-40-702-8/18 od 19.03.2019. godine izdato od strane Agencije za vodno područje rijeke Save, Sarajevo,
- Odgovor vezano za upit za izdavanje okolinske dozvole broj: UPI 05/2-02-19-5-319/22 SN od 19.08.2022 godine, izdato od strane Federalnog ministarstva okoliša i turizma,
- Prateći transportni list broj: 891-04/22 od 25.08.2022 godine o čišćenju separatora od strane „KEMEKO BH“ d.o.o. Lukavac,
- Transportna dokumentacija za otpad br. 1753/22, 1808/22, 1750/22, 1820/21 od strane DELTA PETROL d.o.o. Kakanj,
- Izvještaj o monitoringu kvaliteta i kvantiteta otpadnih voda broj: 671/22, april 2022. godine urađen od strane „Inspekt RGH“ d.o.o. Sarajevo,
- Punomoć broj: 03-8551/22 od 09.11.2022 godine za Dedić Fatimu,
- Obrazloženje o stanju podzemnih rudarskih radova izvođenih po važećoj projektnoj dokumentaciji broj: 03-8550/22 od 09.11.2022 godine sačinjeno od strane RMU „ĐURĐEVİK“ d.o.o. Đurđevik,
- Zapisnik o izvršenoj kontroli ispravnosti utvrđivanja količina koje čine osnovicu za obračunavanje i plaćanje PVN sa sastanka predstavnika ove Agencije i RMU „ĐURĐEVİK“ d.o.o. Đurđevik održanog 24.10.2022 godine.

A. Tehnička dokumentacija

- Dopunski rudarski projekat razrade i otkopavanja tektonskih blokova 87 92 u reviru Živčići jame „Đurđevik, Rudar“ d.o.o. Tuzla, novembar 2020 godine
- Glavni projekat sa rješenjima sakupljanja, tretmana i ispuštanja otpadnih voda sa lokaliteta Đurđevik investitora RMU „ĐURĐEVİK“ d.o.o. Đurđevik, broj projekta I-316-11/21 decembar 2021 godine urađen od strane „ATRIUS Projekt“ d.o.o. Živinice.

Pravno lice RMU «Đurđevik» d.o.o. Đurđevik je posjedovalo Rješenje o vodnoj dozvoli broj: UP-I/25-3-40-702-8/18 od 19.03.2019 godine izdato od ove Agencije sa rokom važenja pet godina o dana pravosnažnosti Rješenja

Pravno lice RMU «Đurđevik» d.o.o. Đurđevik je svojim zahtjevom tražilo razmatranje izmjene navedenog Rješenja u skladu sa članom 130. Stav (2) Zakona o vodama iz razloga što se prestanak podzemne eksploatacije uglja u reviru Živčići jame "Đurđevik" očekuje do 2023 godine, a da potom slijedi postupak zatvaranja podzemne eksploatacije uglja. Uticaji aktivnosti koja je predmet vodnog akta bitno drugačiji od onih koji su procijenjeni prilikom izdavanja vodnog akta je činjenica koja omogućava izmjenu akta u skladu sa članom 130. stav (2) Zakona o vodama.

Zahtjev je odbijen Zaključkom broj: UP-1/21-3-40-471-6/22 od 05.01.2023 godine zbog nepotpunosti dokumentacije na koji je podnosilac zahtjeva izjavio žalbu.

Odlučujući po žalbi pravnog lica RMU „ĐURĐEVİK“ d.o.o. Đurđevik, drugostepeni organ je, svojim rješenjem broj: UP-II-11-21/2-18-1/23 od 13.02.2023. godine uvažio žalbu i istim poništio Zaključak broj: UP-1/21-3-40-471-6/22 od 05.01.2023. i predmet vratio prvostepenom organu na ponovni postupak.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-471-12/23 od 13.03.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija predmetnog kompleksa-pogona za eksploataciju mrkog uglja (jama Đurđevik i separacija), nalazi se u naselju Đurđevik, općina Živinice.

Duž istočne strane kompleks se graniči sa koritom rijeke Gostelje a sa sjeverne strane rijekom Oskovom.

Osnovna djelatnost RMU «Đurđevik» je vađenje, separisanje i obogaćivanje mrkog uglja.

Na lokalitetu predmetnog poslovnog kompleksa nalaze se sljedeće cjeline: upravna zgrada, upravna zgrada pogona Jama, pogon jame-podzemna eksploatacija uglja, objekat teško-tekućinske separacije TTS, prirodni taložni bazeni, crpna stanica, filter stanica, prostor za privremeno deponovanje taloga iz taložnih bazena, mašinska radionica, magacin goriva i maziva, centralni magacin, objekat kotlovnice „Đurđevik“, laboratorija, saobraćajne površine i dr.

Snabdijevanje tehnološkom vodom vrši se sopstvenim zahvatom iz rijeke Gostelje, preko crpne stanice i preko 6 pumpnih agregata, a zahvaćen količine vode se najvećim dijelom koriste u procesu separacije i oplemenjivanja uglja te za gašenje požara i pripremu pješčanog mulja u jami. Snabdijevanje vodom za sanitarne potrebe predmetnog kompleksa vrši se sa izvorišta Stupari putem vodovodne mreže.

Na lokalitetu Đurđevik sa pripadajućim pogonima; Jama i Separacija te njihovom obavljanju tehnološko-proizvodnog procesa, nastaju sljedeće vrste tehnoloških otpadnih voda:

1.Tehnološka jamska otpadna voda

2.Otpadna voda od separisanja –procjedna voda

3.Oborinske onečišćene vode

Tehnološke otpadne vode koje nastaju pri jamskoj eksploataciji uglja se prikupljaju i odvođe putem jamskih kanala u prihvatni rezervoar, izgrađen ispod površine tla unutar rudarskog okna, koji ima ulogu primarnog taložnika.

Nove činjenice koje su nastale u periodu od izdavanja vodnog akta je pored najave da će se prestati sa eksploatacijom uglja u jami i to da stari rudarski radovi predstavljaju ogroman prostor za akumulaciju podzemnih voda uzimajući u obzir činjenicu da se podzemne vode koje se izdvajaju iz ugljenog sloja, pratećih stijena i starih rudarskih radova gravitaciono spuštaju u najniže dijelove jame u kojima je eksploatacija uglja završena. Navedena činjenica doprinosi dodatnom taloženju suspendovanih čestica iz otpadnih voda.

Nakon prestanka rada eksploatacije uglja u jami provesti će se aktivnosti zatvaranja istog. Kroz aktivnosti zatvaranja biće izvršena izrada projektne dokumentacije koja će sagledati sistem prikupljanja, tretmana i ispuštanja otpadnih voda iz jame.

Nastavak eksploatacije uglja je planiran na površinskom kopu Živčići a što će biti definisano rudarskim projektom a za šta će biti potrebno pribaviti vodne akte.

Iz primarnog taložnika voda se pumpama izbacuje na površinu a potom otvorenim i zatvorenim mješovitim kanalizacionim sistemom, bez predhodnog tretmana, odvođe u rijeku Gostelju (ispust E3).

Čišćenje taložnika u jamskim prostorijama vrši se po potrebi. Istaložena komponenta se putem trakastog transportera odvozi u bunker, a zatim na separaciju mineralne sirovine.

Tehnološke otpadne vode iz pogona separacije nastaju u procesu separisanja uglja. Ove vode se odvođe na sistem za prečišćavanje otpadnih voda gdje se vrši izdvajanje suspendovanih materija. Dio vode u tehnološkom procesu separisanja uglja se u objektu oslobodila od suspendovanih materija te se vraća u proces a koncentrisani mulj se odvođi u prirodne taložnice velikih zapremina. Preliv iz taložnika se ispušta u rijeku Gostelju (E4) a talog (granulacije 0-3 mm) se privremeno deponuje na predmetnoj lokaciji a potom plasira na tržište kao komercijalni proizvod.

Oborinske vode sa predmetne lokacije se mješovitim kanalizacionim sistemom, bez tretmana, zajedno sa tehnološkim i sanitarnim otpadnim vodama ispuštaju u rijeku Gostelju (E2).

U periodu od dana izdavanja navedenog Rješenja podnosilac zahtjeva je uradio novi projekat- Glavni projekat sa rješenjem sakupljanja, tretmana i ispuštanja otpadnih voda sa lokaliteta Đurđevik urađen od strane ATRIUS projekt d.o.o. Živinice, decembar 2021 godine.

Na predmetnoj lokaciji će se zadržati pogon separacije i nastaviti sa radom.

Aktom broj: UP-1/21-3-40-471-14/22 od 31.03.2023 godine je od podnosioca zahtjeva traženo od podnosioca zahtjeva da dostavi:

- Odobren trogodišnji plan poslovanja, od strane Vladajućeg društva, za period 2023-2025 godina.
- Izmijenjen dinamički plan aktivnosti i rokova za realizaciju radova po navedenoj projektnoj dokumentaciji.

Podnosilac zahtjeva nije u ostavljenom roku dostavio traženu dokumentaciju te je predmetni zahtjev riješen na osnovu dostavljene dokumentacije u spisu, izvršenog uviđaja a na osnovu raspoloživih činjenica i u skladu sa važećim zakonskim propisima.

Trenutno se vrši monitoring tehnoloških otpadnih voda na 4 ispusta čije su koordinate (E1-44,23947 i 18,39747; E2-44,23947 i 18,39747; E3-44,24263 i 18,39703; E4-44,24129 i 18,39769).

Zbrinjavanje opasnog otpada se vrši od strane ovlaštene firme prema sklopljenom ugovoru.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 21., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva RMU „ĐURĐEVİK“ d.o.o. Đurđevik, ispunio minimum uslova za izdavanje vodne dozvole za ispuštanje tehnoloških otpadnih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.grad.

Dostaviti:

- RMU „ĐURĐEVİK“ d.o.o. Đurđevik, Đurđevik bb, Živinice (Prilog: Tehnička dokumentacija navedena pod tačkom B obrazloženja Rješenja).
- AVP Sava, ISV-vodna knjiga
- Org.jed. 50
- Ⓞ Org.jed. 40-arhiva
- Oglasna tabla AVP Sava Sarajevo